

Gingjsaek Daengngoenz Doekbya

日落即景



Ndithaemh dak youq naj cueng gou, raq hoengheiq singjsien ndeu coemj haeuj ndaeng daeuj. Mwh gou byaij gyawj, yiengjsouh gij hoengheiq singjsien, aen daengngoenz banhaemh sawj gou doeksaet lo.

Daengngoenz banhaemh nding-yanyan, lumjdwg miz vunz buet youzcaet nding nei, dawz aen mbwn caeuq fwj cungj nyumx nding lo. Gou guj, gij youzcaet neix itdingh dwg daengngoenz banhaemh buet. Daengngoenz banhaemh lumj rox dwg

shwgeij "loek" lo, launyaenq dwk ndoj haeuj ndaw fwj bae, hawj bien fwj sieng hwnj gvaengz gim lwenqda ndeu. Mwhde, raq rumz ndeu ci gvaq, dawz fwj ci bae, gaeb daengngoenz banhaemh laeq diuqbeiz neix okdaej lo. Daengngoenz banhaemh raen de mbouj miz dieg ndoj, naj beij aen makbingzgoj lij nding, lumjdwg nyinhloek nei. Gou caen siengj doiq de naeuz: "Daengngoenz banhaemh, mbouj youqgaenj law, mwngz dauqfanj hawj aen mbwn engq gyaundeil lo."

Daengngoenz banhaemh menh-men daeujdaengz byaimbwn, yaeng-yaeng dawz ndityawz de saj hawj sojmiz doenghyiengh gwnz daihdeih: De hawj nywj va daenj mauhgim, hawj gofaex daenj buhgim, hawj daihdeih bu couzgim, hawj raeuz aen biengz gyaundeil ndeu. Gou geijlai siengj miz aen daengngoenz banhaemh gyaundeil youh daihfueng ndeu ha!

Nywj va bidoengh aen mauhgim de, gofaex saenq buhgim gwnz ndang de, lumjdwg naeuz: "Daengngoenz

banhaemh ha, mwngz couh ciengx-lwenx louz youq byaimbwn ba!"

Daengngoenz banhaemh saenq-saenq aen ndang de, lumjdwg siengj dapwngq, hoeng de dingqnyi aen biengz lingh gyauej ndeu, lingh gyoengq doengzdoi de cingq heuh de: "Mwngz vaiq gvaqdaej, dwkbyoengq banhwnz youh laep youh caem neix ba!"

Daengngoenz banhaemh danq gaemz heiq ndeu, roengzbae dingz ndeu, dingz baihgwnz cix dingz youq gizde gig nanz. Doeklaeng, de siengj daengz, miz de sojmiz doenghyiengh cij hoenghhwd, de danghnaeuz mbouj roengzbae, lingh mbiengj biengz he couh cij lw gij yiengh fwzfwz caemrwd lo. Daengngoenz banhaemh dawz dingh cawjeiq, menhmenh biek bae, cij louz di ndityawz caeuq sing danqheiq ndeu.

Gou siengj: Danghnaeuz daengngoenz banhaemh ciengxlwenx louz youq byaimbwn, yienghneix geijlai ndei ha! Hoeng gou siengjsiengj le, couh siengj doeng lo, aenvih gou siengsaenq, ngoenzcog gou couh yaek miz aen daengngoenz engq gyaundeil he.

(Gyanghsuh Daicangh Si Siz-yen Siujyoz Liengz Vunghsw)

Rizdin Seizlwgnyez

童年足迹



Roegenq mbin bae, lij miz seiz dauqma; goliux roz lo, lij miz seiz dauq heu; vadauz loenq lo, lij miz seiz dauq hai. Hoeng, seizlwgnyez, saedcej yienghhaenx gyaundeil baenzlawz bae le couh mbouj caiq dauqma ne? Seizlwgnyez dijbauj dwg bae gya lo, louz roengz haenx cij dwg gij dauqngex lingzlingz singsing.

Hoeng gou baez youh baez roq hai aen douhung ndaejgeiq, yawj aen siengq caeux couh bienq henj haenx, ndit dak roengzdaej, cim aen naj ndaejgeiq sugsed, gij yiengh beij "ye", yawj dwk seizgan cingq vaiqvut daj geh fwngz laebae haenx, seizlwgyez mbouj ok sing laeglemx byaij bae lo, baez bae neix couh caiq mbouj dauqma.

Baenz aen baenz aen siengq guhcingq rizdin gou majhung, youq gwnz diuz loh majhung, gou louz roengz rizdin genggwat aen youh aen.....

Sawqmwh, da gou dingh youq

gwnz aen siengq he, haenx dwg gyanghaet ndit ronghsag he, gou caeuq daxmeh cingq youq suen makit mbaet "dahsien iq" gyaemqrongh haenx, gyoengqde cingq angq dwk vadfwngz coh dou. Mbouj geij nanz, dou couh mbaet ndaej swx rim ndeu lo. Gou boux ngah gwn neix, dingj mbouj ndaej lwg nyaemqrongh neix yaeh, couh caeg gwn aen ndeu, ha! Vansubsub soemjsedsed, caen hawj vunz gwn le lij siengj gwn! Yienz-naeuz saedcej seizlwgnyez neix mbouj miz lo, hoeng ceiqnoix dauqngex lij miz. Dauqngex gvaq le, youh yaek laebbaeb byaij diuzloh majhung, louz roengz engqlai rizdin.

Gou siengsaenq simsoh ciengx-lwenx louzyouq, couh lumj gou saenq daenghgo mbaw ndoengq va gyaue, goekgaenq de dwg daj naedceh genggwat ndaw namh daej.....

(Gyanghsuh Swngj Suhcouh Gunghyezyenz Gih Singhyangz Yozyau Gauh Yozyenz)

Miz Daegnuengx Ndeu, Caen ndei

有个弟弟，真好

Daj it nienzgaep hainduj, gou couh miz daegnuengx ndeu buenx gou. Mboujlwnh gou miz gijmaz saeh aeu vunz bang, couhsuenq de bang mbouj ndaej, hix yaek bang gou doxcaez siengj banhfap.

Ngoenz singhgizroek ndeu banringz, daxboh daxmeh cungj okbae lo, cij gou caeuq daegnuengx youq ranz. Mwhde cingq dwg seizhah hwnqndat, gou fatndat gig naek, gaenq ndat daengz 39 doh. Daegnuengx dwk dienhvah hawj daxboh daxmeh le, lij gip ndaej baenqlulu. Gwnz loh, daxboh daxmeh gaenq vaiqvut ganj ma ranz; ndaw ranz, daegnuengx ganj-gip daek bat raemxcaep ndeu daej, cuengq henz ndang gou, aeu fwngz iq de yungh rengz faenj sujbaq, hoeng de mbouj miz maz

rengz, faenj mbouj ndaej, cij ndaej daj gwnz daengz laj, dawz raemx sujbaq baez di baez di nyaenq okdaej. Daegnuengx ngamq nyaenq ndaej sujbaq, youh sikhaek bae ra yw. De cauq aen gvih, ra daengz le ywdoiqndat, youh haeuj ndaw rug, yungh caenh rengz de fuz gou hwnjdaej, bwnq yw hawj gou gwn.

Mbouj geij nanz, daxboh daxmeh cungsuengq ganj ma daengz ranz lo. Mwhde, daegnuengx gaenq hanh rihroenroen lo. Daxboh daxmeh soengq gou bae yihyen daj cimdiuq, mbouj gvaq geijlai nanz, gou couh doiq ndat lo. Neix hix miz goenglauz daegnuengx, nuengx, miz mwngz caen ndei.

Mwh yaek gaujsi, aenvih fuzsiz, gou moix ngoenz ninz ndaej gig gvaiz, mwhde hix dwg mwh gou ceiq simnyap. Moix baez, mwh gou fuzsiz ndaetnaiq, daegnuengx cungj daej henz gou, buenx gou fuzsiz. Gou doeg gijmaz, de hix riengz doeg gijmaz, couhsuenq de dingq mbouj rox gou doeg maz, de ciuqyiengh hag yiengh gou doeg. Daegnuengx daej henz gou, hawj gou hagsib caiq mbouj hohang mbwqmbwt lo.

Bouxwnq cungj naeuz, miz daegnuengx caen fanz; gou cix naeuz, miz daegnuengx ndeu, caen ndei!

(Gyanghsuh Nanzdungh Gauhsinh Gih Siujyoz roek nienzgaep Gu Yingzvei)

